

Zuedraue...

Autor(en): **[s.n.]**

Objektyp: **Article**

Zeitschrift: **Nebelspalter : das Humor- und Satire-Magazin**

Band (Jahr): **89 (1963)**

Heft 19

PDF erstellt am: **10.07.2024**

Persistenter Link: <https://doi.org/10.5169/seals-502470>

Nutzungsbedingungen



Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Zuedraue...

Wemme hitte-n-in e Gschäft yne-luegt, wo vilicht e Daafele vor em Huus het «Import – Export» und me gseht zwai, oder drey härzigi, jungi Maitli an de Schrybmaschine wie die Wilde-n-ums dääg-lig Brot kämpfe, me gseht en elteren-n-Aagstellte-n-und sibe Telephonapparat und e Dire, wo druffstoht «Direktion», derno ka me sich schier nimme vorstelle, wie das no vor fuffzig oder achzig Jahr alles vyl gmieltiger und haimeliger zuegange-n-isch.



Me-n-isch in e dimber Stibli ko. E Gitter uus Droht – fascht wie im alte Zologische – het die Stube-n-ersch no in zwai Helftene dailt, und hinder em Gitter het's e hooch, «zwaishleefrig» Pult gha, wo me draagstande-n-oder uff hooche Sässeli draagsässe-n-isch. Dert draa hänn die baide-n-Associés 's Blettli, oder ämmel der Kurszedel gläase. Naime-n-im ene-n-Ecke het en alte, graue-n-Aagstellte – der «Gummi»

– die ganzi Arbet gmacht, und zwai Lehrbuebe het's vilicht no gha, wo Brief vertrait, wo d'Lampe butzt und ygfyrt hänn, wenn si nit grad hänn langi Zahleraihje zämmezelle-n-oder Brief kopiere miese mit der schwäre Kopierbrässi.

Will si sälber z'wenig z'schaffe gha hänn, sinn eso zwai Associés halt mängmool hinderenander groote. 's het no ebbe-n-eso glaini Handels-hyser gää, wo die baide Prinzipal fascht allewyl mitenander ghändlet hänn, oder wo si enander über-haupt numme no Brief gschribe

hänn – über der «Groot» vom hooche, zwaishleefrige Pult ibere.

Me verzellt vo zwai eso Here, wo-n-enander kuum meh über der Wäg draut hänn. Alli acht Daag hänn si emool ain der ander aabriet. «Luuskaib» isch no ain vo de harm-loosere Nämme gsi, wo-n-ain als em andere-n-an Kopf gworfe het. Aber vo Zyt ze Zyt sinn si au wider mitenander uusko. Si hänn sich iberem Oobeshoppe-n-als eb-be gfunde. Denn naime – hänn si baidi gfunde – mies me zletschte-mänd warte, bis der «Gummi» d'

Brief eso wyt fertig gschribe gha het, daß me si, um die Sibeni um-me, no het kenne go go unter-schrybe, eb si der Stift ins «Brief-rohr» isch go wärfte.

Eso sinn si au emoole, zmits in der Wuche, wider mitenander uff d'Jagd. Und wo si eso mitenander miehsälig über der gfreore-n-Acker pirsche, sait der aint uff aimool:

«Eh, du Drooscht meynere Seele, Haiggi! Jetz ha-n-y doch, waiß der Deyhänker, vergässe 's Tresor abz'bschließe! Jetz isch d'Kasse-n-offe-n-und mir jaaga do vergniegt uff Haase!»

Sy Associé luegt en nummen-n-en Augeblickli grumm aa und maint derno zimmlig bissig:

«Das macht doch nyt! Mer sinn jo alli baidi do!» Fridolin



Der Druckfehler der Woche

Gesucht auf Architekturbüro im Stadt-zentrum von Zürich

Bauchzeichner, Bauführer
für alle vorkommenden Arbeiten, inklusive Bauführung. — Tel. Anmeldung ab Montag,

Im «Tages-Anzeiger» gefunden von O. H., Jona

Konsequenztraining

Kaum ist der Mond in greifbare Nähe gerückt, und schon wird halben Ernstes die Frage aufgeworfen, ob er als Tummelplatz für lärmige Sportarten oder als Paradies für ruhebedürftige Erdenflüchtlinge reserviert werden soll? Boris